



7. januar 2013

Inatsisartut suleriaasianni § 37 naapertorlugu, matumuuna apeqqutit makku Naalackersuisunut saqqummiuppakka:

Kalaallit Nunaani angerlarsimaffinni eqqissiviilliornerit persuttaanerillu pinaveersaartinneqarnissaani suliniutissat pillugit suliniuteqarnissanik aallarnisaanissat pillugit Naalackersuisunut apeqquteqaat

Suliniutinik qanoq ittorpianik Naalackersuisut pilersaaruteqarpat nunatsinni angerlarsimaffinni eqqissiviilliornerit persuttaasernerillu pinaveersimatinneqarnissaani suliniutaareersut saniatigut suliniuteqarnissani, ukiumi pineqartumi siunissamilu? Pilersaaruteqartoqarpat qaqugu inuiaqatigiinni atuutinneqarnissaat, qanorlu aningaasartassaat agguarneqassappat inuillu sullissisussat amerlineri qanoq ilassuteqarfigineqassappat?

Angerlarsimaffinni eqqissiviilliornerit persuttaasernerillu tunngaviusumik aallaavii nunatsinni ajornartorsiutigineqartut qanorpiaq Naalackersuisunit suliniuteqarfigineqassappat, ukiumi pineqartumi siunissamilu, inuillu sulisorisassat aningaasaqarnikkullu atugassat annertussusaat suliniutini atorneqassappat?

Pisortat oqartussaasut pisortaqaarfiillu sulisoqarnikkut amerlineqarnissaat pillugit Naalackersuisut qanoq siunnerfeqarpat, angerlarsimaffinni eqqissiviilliornerit persuttaanerillu pillugit suliaqartartut politit assigisaallu eqqarsaatigalugit? Qallunaat Naalagaaffiat qanoq qaqugulu Naalackersuisunit oqaloqatigineqarlutik sulisoqarnikkut amerliliisoqarnissaa pillugu siunnerfigineqassava?

Angerlarsimaffinni eqqissiviilliornerit persuttaanerillu pillugit suliniutini Naalackersuisunit qanoq pingaartinneqartitigippat, pinaveersaartitsinernilu suliniutit ingerlanneqareersut saniatigut angerlarsimaffinni eqqissiviilliornerit persuttaanerillu pillugit ukiumi nutaami ukiuni aggersuni qanoq pingaartinneqartitigalutik iliuuseqarfigineqassappat?

Tunngavilersuut:

Politiinit piffissami kingullermi nalunaarutigineqarpoq angerlarsimaffinni eqqissiviilliornerit nalunaarutigineqartut orniguffigineqartullu ukioq 2012-mi Kalaallit Nunaani 2.864-iusut. Kisitsisini pineqartuni pisoqarfiusuni amerlasuutigut meerartaqartoqarluni.

Qanoq qaqugulu nuna tamakkerlugu pinaveersimatitsinissani suliniutini ingerlanneqartut saniatigut maanna nuna tamakkerlugu angerlarsimaffinni eqqissiviilliornerit persuttaasernerillu akiorniarneri pillugit Naalackersuisut pingaarnersiuijerninni iliuusissatut aalajangersimasunik suliniuteqartoqalersaarnersoq Naalackersuisunit takussutissiisoqarnissaa kissaatigaara, kisitsisit ajoraluartumik kisitsisit kingullit takutimmassuk pisortat pisuni suliaqartut sulisoqarnikkut nukittorsaavigineqarnissaat pisariaqartinneqartoq, aningaasanillu ilassuteqarfigineqarfigineqartariaqarpoq, suliaassani pinaveersaartitsinissani suliaqarnernilu ingerlatsinerni ingerlanneqareersut saniatigut kivitsisoqartariaqarsorinarluni.

Naalackersuisunit kingusinnerpaamik ullut suliffiusut qulit ingerlanerini akissuteqartoqarnissaa kissaatigaara.

Inussiarnersumik inuulluaqqusillunga

Akitsinnguaq Olsen
Inatsisartunut ilaasortaq, Siumut.